

Na temelju članka 14., 15. i članka 133. Statuta Visoke škole „Logos centar“ u Mostaru, na prijedlog direktora, Upravni odbor na svojoj 5. sjednici održanoj 27.12.2012. godine **d o n o s i**,

**PRAVILNIK
O DISCIPLINSKOJ ODGOVORNOSTI STUDENATA VISOKE ŠKOLE
„LOGOS CENTAR“ U MOSTARU**

Članak 1.

Pravilnikom o disciplinskoj odgovornosti studenata (u daljem tekstu: Pravilnik) uređuje se: disciplinski postupak za utvrđivanje odgovornosti studenata, disciplinski organi, mjere i povrede obveza studenta Visoke škole “Logos centar” u Mostaru (u nastavku teksta: Visoka škola).

Članak 2.

Student odgovara disciplinski za povredu pravila rada, studiranja i kućnog reda na Visokoj školi, za nanošenje štete ugledu i imovini Visoke škole, zaposlenih na njoj i studenata.

Članak 3.

Težom povredom obveze studenta smatra se:

1. Prepravljanje ili dopisivanje podataka u ispravi, dokumentu ili evidenciji koju izdaje, odnosno vodi Visoka škola, ili falsificiranje iste;
2. Korištenje nedozvoljenih načina pri polaganju ispita;
3. Krađa ili namjerno uništavanje imovine Visoke škole, zaposlenog ili studenta;
4. Dolazak ili prisustvo na Visokoj školi pod djelovanjem alkohola ili narkotičkog sredstva;
5. Neovlašteno bavljenje oblikom gospodarske djelatnosti na Visokoj školi;
6. Vrijeđanje ili kleveta zaposlenog na Visokoj školi ili studenta;
7. Onemogućavanje zaposlenog na Visokoj školi ili studenta u izvršavanju svojih prava i obveza, ili ometanje nastave, ispita i drugih oblika rada na Visokoj školi;
8. Odbijanje ili nepostupanje po izričitom uputstvu ovlaštene osobe na Visokoj školi ili organa Visoke škole u vezi sa pravilima rada ili korištenjem imovine Visoke škole;
9. Dovodjenje u zabludu zaposlenog na Visokoj školi ili organa Visoke škole u namjeri da se ostvare prava i pogodnosti ili imovinska korist;

10. Fizički napad na zaposlenog ili studenta, ili izazivanje tuče na Visokoj školi;
11. Iznošenje i pronošnje, putem sredstava javnog informiranja i na javnim skupovima, neistinitih tvrdnji kojima se nanosi šteta ugledu Visoke škole;
12. Izvršenje kaznenog djela ili prekršaja na Visokoj školi koji studenta čini nepodobnim za studiranje;
13. Težom povredom smatra se tri ili više puta ponovljena lakša povreda.

Članak 4.

Lakšom povredom obveza studenta smatra se:

1. Nedoličan odnos prema zaposlenom i studentu;
2. Nepoštovanje kućnog reda na Visokoj školi;
3. Ometanje nastave, ispita i drugih oblika rada na Visokoj školi, manjeg obujma;
4. Oštećenje ili uništenje imovine Visoke škole manjeg obujma, ili nesavjestan odnos prema imovini Visoke škole.

Članak 5.

Za težu povredu obveze studentu se mogu izreći disciplinske mjere:

1. strogi ukor, ili
2. isključenje sa Visoke škole u trajanju do jedne godine.

Za lakšu povredu obveze studentu se mogu izreći disciplinske mere;

1. opomena, ili
2. ukor.

Članak 6.

Disciplinske mjere: opomena, ukor i strogi ukor, mogu se izreći istom studentu svaka samo po jednom.

Disciplinska mjera isključenja sa Visoke škole u trajanju do jedne godine (u daljem tekstu: isključenje sa Visoke škole) može se izreći istom studentu neodređen broj puta, ali tako da pri ponovnom izricanju ove mjere, ona ne može biti izrečena u kraćem trajanju nego u prethodno izrečenom trajanju.

Članak 7.

Disciplinska mjera isključenja sa Visoke škole sastoji se u obustavi prava i obveza studenta, u periodu trajanja na koji je izrečena, odnosno u nemogućnosti studenta da sudjeluje u oblicima provjere znanja i da poduzima bilo kakve administrativno-pravne radnje u vezi sa reguliranjem svog studentskog statusa.

Period trajanja isključenja sa Visoke škole, računa se prema kalendarskoj godini, počevši od dana konačnosti odluke o izricanju disciplinske mjere.

Članak 8.

Za utvrđivanje disciplinske odgovornosti (u daljem tekstu: odgovornost) za povredu i izricanje disciplinske mjere studentu, nadležan je Direktor.

Odluka Direktora o izricanju disciplinske mjere je konačna i izvršna danom dostavljanja studentu.

Članak 9.

Kada student odbije prijem odluke ili drugog pismena, dostavljanje se smatra izvršenim.

U slučaju nemogućnosti da se dostavljanje izvrši na drugi način, smatra se da je izvršeno protekom tri dana od dana isticanja odluke ili drugog pismena postavljenog na odgovarajuću oglasnu ploču Visoke škole.

Članak 10.

Disciplinski postupak se vodi po osnovi disciplinske prijave.

Disciplinsku prijavu podnosi Direktoru Visoke škole svaka osoba koja ima neposredna ili objektivna saznanja o povredi obveze.

Povreda obveze i radnja povrede moraju u prijavi biti navedeni jasno i određeno.

Neurednu prijavu Direktor odbacuje.

Neosnovanu prijavu Direktor odbija.

Urednu i osnovanu prijavu Direktor dostavlja studentu uz poziv da se u roku od tri dana od dana dostavljanja pismenim putem izjasni o navodima prijave, tj. da podnese odgovor na prijavu.

Članak 11.

Disciplinski postupak protiv studenta pokreće Direktor dostavljanjem disciplinske prijave studentu.

Kada Direktor ima neposredna ili objektivna saznanja o povredi obveze, ova saznanja Direktor pismeno konstatira i dostavlja studentu.

Pismeno iz prethodnog stavka ima procesni značaj disciplinske prijave.

Članak 12.

Nakon prijema odgovora studenta na disciplinsku prijavu, odnosno nakon isteka roka za davanje odgovora na prijavu, Direktor može da:

1. Samostalno utvrdi postojanje odgovornosti za povredu obveza i da:
 - donese odluku o obustavi disciplinskog postupka, kada utvrdi da ne postoji odgovornost studenta za povredu obveze;
 - donese odluku o izricanju disciplinske mjere, kada utvrdi da je student odgovoran za povredu obveze;
2. Imenuje disciplinsku komisiju radi utvrđivanja relevantnih činjenica i izvođenja potrebnih dokaza o povredi obveze i utvrđivanja odgovornosti studenta povodom određene disciplinske prijave.

Članak 13.

Disciplinska komisija iz prethodnog članka sastoji se od tri člana: dva iz reda zaposlenih na Visokoj školi i jednog iz reda studenata.

Član Komisije iz reda studenata je student, kojeg za to ovlasti Stručno vijeće.

Nakon utvrđivanja relevantnih činjenica i dokaza disciplinska komisija donosi zaključak kojim utvrđuje postojanje povrede obveze i odgovornost studenta protiv koga je podnijeta disciplinska prijava.

Komisija donosi zaključak iz prethodnog stavka većinom glasova svojih članova i upućuje ga Direktor.

Članak 14.

Nakon prijema zaključka disciplinske komisije Direktor može da:

1. Donose odluku o obustavi disciplinskog postupka;
2. Donese odluku o izricanju disciplinske mjere.

Direktor ne može da donese odluku o izricanju disciplinske mjere ako je disciplinska komisija zaključila da ne postoji odgovornost studenta za povredu obveze.

Članak 15.

Odluka o izricanju disciplinske mjere izvršava se njenim isticanjem na odgovarajuću oglasnu ploču Visoke škole na trideset dana od dana konačnosti i upisom disciplinske mjere u indeks i matičnu evidenciju studenta kojem je izrečena.

Pored disciplinske mjere, u indeks se upisuje i naziv povrede obveze zbog koje je izrečena.

Upis mjere u indeks potpisuje Direktor.

Članak 16.

Odluka o izricanju disciplinske mjere isključenja sa Visoke škole, izvršava se i privremenim oduzimanjem indeksa studentu koje je izrečena, na period trajanja mjere isključenja sa Visoke škole.

Prilikom dostavljanja odluke o izricanju disciplinske mjere isključenja sa Visoke škole Direktor je obvezan da pozove studenta da preda svoj indeks ovlaštenoj osobi Visoke škole u roku od tri dana od dana dostavljanja odluke.

Članak 17.

Za jednu povredu obveze studentu se izriče jedna disciplinska mjera.

Kada izvršena povreda obuhvaća elemente dvije ili više različitih povreda obveze, izriče se mjera predviđena za težu povredu, s tim da u ovakvom slučaju postoje otežavajuće okolnosti za studenta, odnosno počinitelja.

Mjera isključenja sa Visoke škole ako je izrečena studentu u periodu trajanja već prethodno izrečene mjere isključenja sa Visoke škole, izvršava se neposredno po izvršenju, odnosno isteku prethodno izrečene mjere.

Članak 18.

Student snosi materijalnu odgovornost za štetu koju počini imovini Visoke škole, namjerno ili iz nehaja.

Disciplinska komisija formirana u ovakvom slučaju utvrđuje vrijednost počinjene štete, neposredno ili na temelju nalaza stručne osobe, koje Visoka škola angažira na zahtjev komisije.

Disciplinska komisija donosi zaključak kojim utvrđuje vrijednost počinjene štete i svoje mišljenje o tome da li je šteta počinjena namjerno ili iz nehaja .

Na temelju zaključka Komisije o odgovornosti za imovinsku štetu, Direktor donosi odluku o naknadi štete kojom obvezuje studenta da u primjerenom roku izvrši naknadu štete.

Pored odluke iz prethodnog stavka, Direktor može izreći studentu i disciplinsku mjeru ukoliko je Komisija zaključila da je student izazvao štetu namjerno ili iz grubog nehaja.

Nepostupanje studenta po pravosnažnoj odluci Direktora o naknadi štete, predstavlja za sebe težu povredu obveze studenta i temelj za izricanje disciplinske mjere.

Članak 19.

Odredbe ovog Pravilnika, primjenjivati će se na disciplinske postupke koji se pokrenu po njegovom stupanju na snagu.

Članak 20.

Pravilnik stupa na snagu danom donošenja.

Broj: 437-5/12

Mostar 27.12.2012. godine.

Upravni odbor
